


Etonatelwahala IyaSheya shUushona

Iya lukilwa omukwaniilwa waNgandjera ngoka a li epandafule

Etonatelwahala olyo:

- ehala Iya nyolithwa paveta li na oongamba dhu ulikwa dha yela nawa noli na olutuuliiki talu wilikwa kaakwashigwana molwehumithokomeho Iyaakalimo nekalekopo Iyiithitukuti nomapashiyono
- otali wilikwa kongundu ya hogololwa yi longe muuwanawa wiilyo ayihe
- ehala moka aakalimo taa ilikolele mo iiyemo okuza miimeno nomiithitukuti yi gwedhele kwaashoka haa mono okuza muunamapya nuuniimuna
- ehala moka omwaalu gwiithitukuti tagu tana molwashoka otagu kondololwa opo wu ete po sha
- ehala ndyoka ongushu yoonzo dhopaunshitwe tayi tana, oshinima shoka tashi gwedhele ko wo kongushu yevi
- olutuhangano moka tamu pitile omayakulo nomahumithokomeho nokukwatakanithwa
- ehala Iya longekidhwa opo mulyo mu ningilwe iinima ya yooloka opo ku shonopekwe omahilathano nokuukitha komeho omauwanawa gaakuthimbinga ayehe



liningwanima ya simana nomasindano

Momumvo 1996 – omulandumpango ogwa lundululwa gu pitike aakalimo yomoshitopolwa shaayehe yi imonene omauwanawa miithitukuti nomiimeno nosho wo omapashiyono mokutota po omahala gokugamena uushitwe


Momumvo 2003 – Aakalimo oya taamba ko ekotampango lyEtonatelwahala

Momumvo 2005 – Etonatelwahala IyaSheya shUushona olya nyolithwa muSeptemba


Momumvo 2006 – Omusimanekwa, Dr. Sam Nujoma, Omukokolipresidende gwoRepublika yaNamibia, ngoka a vaelwa moshitopolwa moka, okwa zimine a ninge kahewa (opatrona) ketonatelwahala

Momumvo 2006 – Embo Iyomayalukondololo olya tamekwa okulongithwa metonatelwahala IyaSheya shUushona

Momumvo 2010 – okwa tulwa miilonga eyalulo Iyiinamwenyo Iyokomumvo metonatelwahala IyaSheya shUushona




Aantu mboka ye li metonatelwahala oye na oshilalakenenwa shimwe shokuwilika ehala Iyawo. Omithigululwakalo dhopomudhingoloko nuukwatyankalathano waantu oyo iinima ya simana unene kaapashiyoni.





Oonzo dhopaunshitwe ohadhi vulu okweetitha oompito dhiilonga dha yooloka, nodho wo oshinima sha simana mokukokeka omahupilo. Omahala ngoka taga monika nawa ogo omuhili omunene gwaapashiyoni.



Iilonga mbyoka hayi longwa mo ongaashi okuyalula iithitukuti, okupatolola, okukondolola ehala nembo Iyiingwanima, okukeelela omaipumumwe pokati kaantu niyamakuti nokweenditha ehumokomeho.




Eendagulo Iyiithitukuti ya mangeluka ngaashi uumenye otali vulu okweeta omauwanawa ga yoolokathana nokukala omuhili omunene gwaapashiyoni.



Omapashiyono ohaga eta oompito dhuuhupilo dha yooloka. Ekaloopopei Iyoshikunino shiinamwenyo shopashigwana shEtosha nokupitila pomweelo gwOmukwaniilwa Nehale otaku etitha oompito dhi li nawa dhokuhumitha komeho omapashiono momudhingoloko.



Aakalimo yometonatelwahala ohaa longo mo iilonga ya yooloka mwa kwatelwa iilonga yapamuthigululwakalo, okulitha iimuna nokulima omapya.



Aatonateli Iyiithitukuti ya za maakalimo mboka ya kutwa ya kondolole omakuti niithitukuti osho wo oonzo dhiilwe oyo taa tula po ewiliko ndyoka tali vulu okulundululwa.


Oonzo

Uudhila

Uudhila owindji hawu hokitha ohawu kala mehala Iyokugamena uunshitwe, mpoka nokuli wumwe po moludhi ndoka lu hole okukala pomahala ngoka ge na omeya hawu holoka owindji noonkondo miishana mbyoka hayi kala nomeya omathimbo gamwe osho wo poothithiya moshitopolwa. Omaludhi ogendji guudhila ngoka haga monika omwa kwatelwa oonkololo noonnyandinyandi omanga omaludhi guudhila mboka wa pumba ngaashi omagogan nago oge hole mo moshitopolwa.

Iinamwenyo Iiyamuthi

Omwaalu gwiithitukuti ogwa tameke tagu londo miitopolwa yaayehe sho kwa totwa omatonatelwahala. Metonatelwahala IyaSheya shUushona iithitukuti mbyoka tayi adhika mo ongaashi:



Iimeno


Moshitopolwa oshinene shehala Iya gamenwa Iyuunshitwe (okonsevasi) omisati odho dhi li mo odhindji, unene mpoka pu na evi Iyelo ya Iya zi miinima ya yooloka mbyoka ya kungululwa komeya. Omolwevi Iya nkundipala, omithi dhomisati mpaka olwindji ihadhi koko lela dhi ninge omile dha konda poometa ndatu. Onkene omusati otagu zi iikuni notagu vulu okuningwa iiti yokutungitha, molwashoka ihagu lika koothedhi. Omithi dhiilwe dhomafo omanene haga yagumuka ko nomano ohadhi adhika unene momahala moka mu na ehekevi, omanga mekango tamu adhika omidhi mpaka naampayaka. Oshigwangamuti (devil's claw) nuutanga womelundu oyo iimeno ya simana mbyoka tayi vulu okukala tayi gongelwa pamukalo tagu yi kalekopo opo yi ete po iiyemo.

Omauwanawa taga zi moonzo dhopaushitwe

Etonatelwahala natango oli li tali kongo omikalo dha yooloka dhokuhumitha komeho omapashiyono. Omauwanawa ngoka taga monika pethimbo ndika ketonatelwahala nokiliyo yawo ohaga monika okuza:

- Momauvathanotsokumwe guukongo wopamathigathano
- Uukongo wokuyaha noku ka landitha
- Uukongo wokwiikwatha
- Okulanditha ihongomwa
- Okulilola omagungu

Etonatelwahala otali longitha iimaliwa nokweetapo omauwanawa miikondo mbika:



Etonatelwahala otali eta po omauwanawa ogendji kaakwashigwana nokaantu pauhaidimwe, mwa kwatelwa:

- Okweeta po oompito dhiilonga nokufuta oondjambi dhaaniilonga
- Okutopolela omagumbo onyama Iyiithitukuti
- Okufuta iimaliwa mwaashoka tashi longithwa metonatelwahala
- Okuyambidhidha ehumithokomeho Iyihongomwa
- Okugandja iimaliwa komumvo kelelo Iyopamuthigululwakalo
- Okukeelela omaipumumwe pokati kaantu niithitukuti

Copyright © NACSO 2012; Photos taken in Sheya Shuushona, Okahao and ENP by Helge Denker; Text & Layout: H Denker; Translation: Namtranslations; Maps: RAISON (main) & Sylvia Thompson; Charts: Alice Jarvis; Printing: John Meinert Printing

Opo wu mone omauelele gi ihwa po nomalunduluko omake dhengela:
Sheya Shuushona Conservancy
P.O. Box 2, Okahao
Ongodhi: +264 (0)65 252088